

Vongóð eftir krefjandi ár

Markaðurinn leitaði til nokkurra stjórnenda í atvinnulífinu til að gera upp árið 2022. Innrásin í Úkraínu hafði mikil áhrif á árið hjá flestum viðmælendum en mikil bjartstýni ríkir fyrir komandi ári.

benediktarnar@frettabladid.is

NASEAQ OMX

Verkefnin mörg og fjölbreytt



“Ég geri ráð fyrir að við munum áfram vaxa töluvert.

Edda Sif Pind Aradóttir, forstjóri Carbfix, segir að stofnun hlutafélags um reksturinn hafi verið þýðingarmikil fyrir rekstur félagsins.

Hvað gekk vel á árinu 2022?
Það sem stendur upp úr á árinu hlýtur að vera 16 milljarða styrkur Nýsköpunarsjóðs Evrópu til Coda Terminal-verkefnis okkar í Straumsvík. Við höfum líka framkvæmdir við mikilvægar tilraunir með að blanda CO₂ í sjó í stað ferskvatns, og við tókum í fyrsta sinn við CO₂ erlendis frá til förgunar á Íslandi. Aðferðafræði okkar til kolefnisbindingar var fullgilt og sannreynð af óháðu vottunar-fyrirtæki, og ýmis ný og spennandi samstarfsverkefni komust á skrið. Teymið okkar stækkaði mikið, við ríflega tvöfölduðum fjölda starfsfólks, enda eru verkefnin bæði mörg og fjölbreytt. Þá var samþykkt að stofnað yrði hlutafélag um reksturinn, sem var þýðingarmikið fyrir vaxtar-möguleika okkar.

Hvað var krefjandi á árinu sem er að liða?
Við erum að stækka hratt, bæði hvað varðar verkefnastöðu og starfsfólk, og það var krefjandi að halda vel utan um þann vöxt. Þá var að sjálfsögðu margt krefjandi í undirbúningi hvað varðar þróun tækninnar, einstakra verkefna og viðskiptaáforma félagsins. Það er partur af því að gera nýja hluti og hefur fylgt okkar þróunarstarfi alveg frá upphafi, en vöxturinn var meiri á árinu en hann hefur verið áður.
Hvernig horfir árið 2023 við þér?
Ég geri ráð fyrir að við munum áfram vaxa töluvert eftir því sem þróunarverkefni okkar komast lengra á leið og ný bætast við. Það eru allmargir stórir áfangar sem við stefnum á að ná á árinu og það verður krefjandi. Við viljum vinna eins hratt og við getum því tíminn vinnur ekki með okkur í loftslagsmálum.

Viðburðaríkt ár hjá Origo



“Við nýtum betri tækni til að bæta líf viðskiptavina okkar.

Jón Björnsson, forstjóri Origo, er bjartstýnn fyrir árið 2023.

Hvað gekk vel á árinu 2022?
Árið var líklega eitt hið viðburðaríkasta í sögu Origo. Auðvitað stendur salan á Tempo upp úr og má líkja við góðan endasprett í langri vegferð. Vegferðin sem félagið lagði upp í 2018 gekk eftir og rúmlega það. Í innlendum rekstri voru líka margir þættir sem hægt er að gleðjast yfir. Félagið festi sér nýja stefnu í ársbyrjun eftir að hafa unnið í henni um nokkurra mánaða skeið með starfsfólki. Innan Origo eru rúmlega 20


teymi sem á hverjum degi hjálpa fyrirtækjum og stofnunum að reka sín fyrirtæki betur. Þessir teymi eru oft ólík, með mismunandi tekjuleiðir, ólíka viðskiptavini og jafnvel með ólíka mælikvarða til að mæla árangur sinn. Það sem sameinar þó öll þessi teymi er að við nýtum betri tækni til að bæta líf viðskiptavina okkar með því að hafa traust þeirra og vera stöðugt að breyta leiknum fyrir þau með þróun á nýrri tækni. Þannig vinnum við með svipaðar grunnáherslur þó að hvert teymi vinni eins sjálfstætt og mögulegt er til að

tryggja styttri boðleiðir, hraðari nýsköpun og aukið umboð fólksins sem býr til tekjur félagsins. Þessi stefna hefur gefist vel og við sjáum að við getum vel vaxið á mismunandi stöðum og að nýrri áherslur okkar á að þróast hraðar í hugbúnaði þurfa ekki að vera á kostnað eldri tekjustofna. Margt er líkt í aðferðafræðinni og á endanum snýst þetta um að tala við viðskiptavininn og leysa málin saman.

Hvað var krefjandi á árinu?
Fyrirtækjarekstur er í eðli sínu alltaf krefjandi. Óðruvísi næst enginn árangur. Umhverfið var stormasamt á köflum og eftir heimsfaraldur kom stríð og aðfangakeðjur heimsins titruðu með tilheyrandi áhrifum á viðskiptavini okkar. Samhliða eru alltaf að koma fram nýjar áskoranir í hinum stafræna heimi sem krefjast aukinnar þekkingar. Þessa þekkingu er ekki sjálfsgagt að geta alltaf sótt í litlu landi og því höfum við í auknum mæli þurft að leita út fyrir landsteinana. Slíkt er krefjandi til skemmri tíma.

Hvernig horfir árið 2023 við þér?
Við erum vel undirbúin og þess vegna bjartstýnn. Við er með nokkuð skýra stefnu og góð markmið sem við teljum okkur vera að nálgast. Það er alltaf óvísna um hversu hratt það er hægt en lykkillinn er að halda áfram og vera undirbúin undir hraðar aðlaganir og breytingar ef þörf er á.





»

Einstakt afrek að koma atvinnulífinu af stað

“

Fríður í heiminum er grundvöllur gæfuríkrar framtíðar.



Sigríður Hrund Pétursdóttir, eigandi Vinnupalla ehf. og formaður Félags kvenna í atvinnulífinu, segir flestallar atvinnugreinar hafa fengið skell bæði af Covid og stríðsástandi í heiminum.

Hvað gekk vel á árinu 2022?

Það var einstakt að fylgjast með Íslendingum fara af stað eftir erfið ár heimsfaraldurs Covid og nýta sumar- og haustmánuði vel þrátt fyrir að stríð

í Úkraínu hefði mikil neikvæð áhrif á allt okkar umhverfi.

Við fengum sem betur fer gott ferðamannasumar sem er enn í gangi, ekki sist vegna veðurblíðu haustsins.

Flestallar atvinnugreinar hafa þó fengið skell bæði af Covid og stríðsástandi í heiminum – ætli gott viðhorf fái ekki verðlaun ársins þar sem það á við. Það kemur okkur í gegnum flest sem á reynir.

Hvað var krefjandi á árinu sem er að líða?

Við erum að sjálfsgöðu fljót að gleyma en veðurhamur var fyrstu mánuði ársins, sem og Omikron-afbrigði sem gerði skráveifu um gjörvalla heim. Að koma atvinnulífinu aftur af stað á vormánuðum var einstakt afrek sem við ættum að hrósa okkur fyrir og alls ekki gleyma. Stríðið í Úkraínu er orku-, matar- og efnahagsstríð alveg fyrir utan hefðbundinn hernað. Það hefur neikvæð margföldunarhrif sem hefur reynst okkur öllum erfitt að glíma við og þyngir róðurinn fyrir bæði fyrirtæki, stofnanir og fólk í landinu. Að fara síðan beint í kjarasamninga er áskorun en ég hef fulla trú á að allir aðilar sjái sér hag í samstöðu sem gagnast okkur flestum.

Hvernig horfir árið 2023 við þér?

Við verðum á fullu að af-læra hegðun og hugsun hraðar en við búumst við. Sjálfbærnivegferðin þrýstir á að við tileinkum okkur skjótt nýja síðu, þar á meðal hvernig heilbriggt atvinnulíf litur út. Í vinnunni og almennt í samfélaginu viljum við vera örugg, eiga jöfn tækifæri, geta tjáð okkur, skapað og verið við sjálf. Þetta krefst þess að við æfum okkur í að iðka fjölbreytni, inn-gildingu og búum til rými fyrir hvert annað til að vaxa og dafna. Við verðum að hafa stjórn á því sem hægt er og það erum við sjálf. Annað leysum við saman. Fríður í heiminum er grundvöllur gæfuríkrar framtíðar og grundvallarvirði til að vinna að.

Hefur mikla trú á fyrirtækinu



Björk Kristjánsdóttir, fjármálastjóri Carbon Recycling International, segir að félagið sé í mikilli markaðssókn erlendis.

Hvað gekk vel á árinu 2022?

Árið 2022 var gríðarlega viðburðaríkt hjá okkur hjá Carbon Recycling International (CRI). Það sem stendur upp úr er þó gangsetning stærstu verksmiðju sinnar tegundar í heiminum, sem keyrir á tækni CRI. Félagið hlaut að auki verðlaun frá Verkfræðingafélagi Íslands – Teninginn fyrir hönnun sína á þessari sömu verksmiðju. Við lukum einnig stórum verkþætti í okkar næsta stóra verkefni en sú verksmiðja verður gangsett á síðari hluta næsta árs. Félagið er nú í mikilli

markaðssókn á nýja markaði erlendis en það skrifaði undir samstarfssamning við Dastur Energies á Indlandi og hlaut markaðsstyrki frá Tækniþróunarsjóði til að styðja við þessa vinnu. Það er svo ekki hægt að segja frá þessu öllu án þess að taka fram að velgengni sprettur ekki af sjálfu sér. Við erum þakklát fyrir allt það frábæra fólk sem vinnur að þessu með okkur og hefur stutt félagið á þessari vegferð.

Hvað var krefjandi á árinu sem er að líða?

Verkefni félagsins sem eru nefnd hér að ofan eru í Kína og þar hafa verið mikil höft vegna Covid-19 á árinu. Það var því talsvert krefjandi fyrir okkur að

koma tækniteymi á staðinn til þess að vinna að gangsetningu verksmiðjunnar. Það tókst þó sem betur fer vel til og tafði ekki vinnu okkar á svæðinu.

Hvernig horfir árið 2023 við þér?

Ég lit björtum augum til 2023. Ég hef mikla trú á fyrirtækinu og þeim markaði sem það starfar á. Það er ljóst að það er mikil þörf fyrir tækni af þeim toga sem CRI býður upp á og tækni félagsins er leiðandi á heimsvísu. Það má berlega sjá á aukningu í fjölda fyrirspurna og þroska þeirra viðskiptatækifæra sem standa félaginu fyrir dyrum. Við eigum von á því að geta deilt fleiri stórum áföngum og gleðifregnum á nýju ári.

“

Við eigum von á því að geta deilt fleiri stórum áföngum og gleðifregnum á nýju ári.

Atvinnugreinin borið vöxt án vandræða



Frosti Ólafsson, framkvæmdastjóri Olis, segir að innrásin í Úkraínu hafi litað árið 2022.

Hvað gekk vel á árinu 2022?

Það gekk vel að gleyma Covid-19 hratt og örugglega. Því miður fengum við ekki að njóta augnabliksins lengi þegar faraldrinum var loksins aflýst enda réðst Pútín inn í Úkraínu örfáum dögum síðar. Ferðaþjónustan á hrós skilið fyrir að stíga hratt og örugglega út úr hidiinu. Mér hefur fundist eins og atvinnugreinin hafi borið þennan mikla vöxt án verulegra vandræða. Það hefur að sama skapi verið gaman að fylgjast með kröftugum uppgangi ýmissa nýsköpunarfyrirtækja sem eru mörg hver að uppskera eftir áralangt uppbyggingarstarf.

Hvað var krefjandi á árinu sem er að líða?

Alþjóðleg markaðsskilyrði

“

Alþjóðleg markaðsskilyrði hafa verið afar krefjandi.

hafa verið afar krefjandi. Aðfanga- og hrávörumarkaðir hafa verið í miklu ójafnvægi vegna stríðsins í Úkraínu og það sér því miður ekki enn fyrir endann á þeim hörmungum. Þetta eru þó hjákátlegar áskoranir samanborið við þær þjáningar sem íbúar Úkraínu hafa þurft að mæta. Íslendingar hafa jafnframt verið í mikilli forréttinda-stöðu hvað varðar orkuafgangi og orkukostnað.

Hvernig horfir árið 2023 við þér?

Það eru óveðursský á lofti en þau gætu horfið hratt og örugglega. Á alþjóðlega sviðinu fer pólitískur óstöðugleiki vaxandi, alþjóðlegir fjármagnsmarkaðir eru erfiðir, orkuskortur er útbreiddur og verðbólga í hæstu hæðum. Þetta er erfiður kokteill, en aukið jafnvægi á orkumarkaði gæti vigtað þungt í rétta átt. Á Íslandi er það helst ójafnvægi á vinnumarkaði sem er að valda okkur vandræðum. Yfirstandandi kjarasamningar eru mjög vandasamir og hafa mikla þýðingu fyrir framhaldið. Ef alþjóðlegar aðstæður batna og aðilum vinnumarkaðar tekst að finna skynsamlega lausn þá er Ísland í mjög góðum málum á næsta ári.

Bjartsýnn um áframhaldandi góðan gang í sölu



“

Orkukreppan í Evrópu er þó áskorun.

Árni Stefánsson, forstjóri Húsasmíðjunnar, segir að hann hafi verið stoltur af samstarfsfólki sínu sem leysti krefjandi verkefni á líðandi ári vel.

Hvað gekk vel á árinu 2022?

Það hefur verið mikill framkvæmdahugur í byggingarverktökum á árinu og sala byggingarefnis hefur gengið vel. Húsasmíðjan opnaði nýja og glæsilega 5.000 fermetra verslun á Akureyri í mars sem hefur sannarlega verið vel tekið. Ýmsir vörflokkar hafa jafnframt verið í mikilli sókn, sem dæmi hefur sala á gluggum og tilbúnum einingahúsum margfaldast á árinu.

Hvað var krefjandi á árinu sem er að líða?

Þegar stríðið í Úkraínu braust út hleypti það hrávörumörkuðum í uppnám ásamt því að viðskiptabönni í vor leiddu til þess að huga þurfti að nýjum birgjum og aðfangaleiðum fyrir ákveðnar lykilverur. Það tókst þó að koma í veg fyrir vöruskort og var ég stoltur af því hve vel mitt frábæra samstarfsfólk tókst á

við verkefni. Orkukreppan í Evrópu er þó áskorun og hefur valdið kostnaðarhækkunum á mörgum aðföngum.

Hvernig horfir árið 2023 við þér?

Ég er bjartsýnn varðandi áframhaldandi góðan gang í sölu á byggingarvörum á næsta ári. Ef við horfum á smásölumarkaðinn og heimilin held ég að megi búast við að við séum komin út úr eftirspurnarkúfnum sem kom í kjölfar Covid og komin aftur inn í rólegri tíma. Nýlegir kjarasamningar og niðurstaða um almennar taxtahækkunar á bilinu 13 til 16 prósent frá ársbyrjun til nýju samninganna nuna veldur þó auðvitað vissum áhyggjum og minnkar trúna á því að alvara sé á bak við þau orð samningsaðila um að sameiginlegt verkefni og allra sé að ná verðbólgunni sem hraðast niður. Það veldur mér vonbrigðum enda höfðum við hjá Húsasmíðjunni nýverið lækkað stóra vörflokka eins og styrkflokkad timbur um 15 til 20 prósent.